

ՄՈՒԿԱՎԻԱՅԻ ՀԱՅԵՐԻ ՇԻՆԱՐԱՐԱԿԱՆ
ԳՈՐԾՈՒՆԵՈՒԹՅԱՆ ՊԱՏՄՈՒԹՅՈՒՆԻՑ
(ԲԸԼՑԻ ԵՎ ՕՐՀԵՅԻ ԵԿԵՂԵՑԻՆԵՐԸ)

Մոլդավիայի հյուսիսային մասի Բըլց քաղաքի (XVIII դ.) հայերի և նրանց նյութական մշակույթի մասին տեղեկություններ կան Ա. Ջաշուկի մոտ: Այդ շրջանի բնակավայրերի տեր, հունագգի կալվածատեր Պանայոթին հիմնում է քաղաք, որը կոչվում է Բըլց: Քաղաքը բնակեցնելու և զարգացնելու նպատակով Գալիցիայից հրավիրում է մոտ 300 հայ առևտրականներ, որոնց համար 1795 թ. Վելաման ճարտարապետի նախագծով կառուցվում է եկեղեցի (նկ. 1): Բայց ավստրիական կառավարությունը մերժում է հայերի Բըլց տեղափոխվելու խնդրանքը, և հիշված եկեղեցին հանձնվում է մոլդավացիներին: Մոլդավացի պատմաբան Գ. Բեզվեկոնին գտնում է, որ դա էր քիչ թվով հայերի Բըլց տեղափոխվելու պատճառը¹:

XIX դ. և XX դ. սկզբներին, տարբեր տարիներում, Բըլց քաղաքում ապրող հայերի թիվը հետևյալն էր. 1830 թ.՝ 50 մարդ²,

¹ А. Зашук, Материалы для географии и статистики России, Бессарабская область. СПб., 1862, т. II, с. 36:

² G. Bezveconi, Profiluri de ieri si de azi, "Târgul Bălți". Bucuresti, 1943.

³ Հ. Մինաս Բժշկեանց, Ճանապարհորդութիւն ի Լինաւտան և յայլ կողմանս բնակաւս ի Հալկա-
զանց սրիւնց ի Նախնեաց Անի քաղաքին, Վնն-
տիկ, 1830, էջ 188: Н. Д. Сирун, Тара воеводу-

1861 թ.՝ 55⁴, 1862 թ.՝ 54⁵, 1897 թ.՝ 50⁶, 1907 թ.՝ 62⁷: Մի շարք աշխատությունների մեջ հայերի թիվը բերված է ոչ թե որպես քաղաքի, այլ որպես մարզի մեջ եղած հայերի ընդհանուր թիվ: Այսպես, օրինակ, 1862 թ. մարզում ապրում էին 120 մարդ⁸, 1897 թ.՝ 146⁹, 1918 թ.՝ 250¹⁰, 1926 թ.՝ 700¹¹:

Հետագայում հայերի թվի ավելանալը պայմանավորեց հայկական եկեղեցի կառուցելու անհրաժեշտությունը: Այս պատճառով է, որ 1910 թ. Նախիջևան-Բեսարաբիայի թեմի առաջնորդ Ներսես արքեպս.

lui Stefan, Bucuresti, 1941, էջ 8, նույն հեղ. Bisericele armene din Tarite Romane, "Anuar de cultura armeană", Ani, Bucuresti, 1942—1943, էջ 490:

⁴ Центральный государственный архив МССР (ЦГА), ф. 2, г. 1, қ. 7369, րթ. 9, 14, 19, 24:

⁵ А. Егун, Записки Бессарабского областного статистического комитета, СПб., 1864, էջ 91.

⁶ G. Murgoci, La population de la Bessarabie, Paris, 1920, աղ. 1, էջ 152:

⁷ C. Filipescu, E. Giurgea, Basarabia, Chisinau, 1919, էջ 38:

⁸ А. Егун, նշվ. աղյ., էջ 91:

⁹ G. Murgoci, նշվ. աղյ.:

¹⁰ Л. С. Берг, Бессарабия, Страна-люди-хозяйство, СПб., 1918, էջ 133—134.

¹¹ Basarabia, Ստեֆան Զորանուի խմբագրությամբ, Chisinau, 1926, էջ 94:

Խոտավերդյանը միջնորդում է տեղական մարմիններին, որ հաստատվի ինժեներ-նարտարապետ Կրասնոսելսկու պատրաստած Սբ. Գրիգոր Լուսավորիչ եկեղեցու նախագիծը:

Կալվածատեր Մկրտիչ Հովհաննես Լուսոխանովիչի դրամական միջոցներով, Մարիամ Դոնավաքի հողերի վրա¹⁶:

Ներկայումս հայկական եկեղեցու շենքը զբաղեցնում է քաղաքի կենտրոնական մա-



Նկ. 1. Բլրց. եկեղեցի, 1795 թ., ճարտ.՝ Վեյսման. ընդհանուր տեսք

1909 թ. Սբ. Էջմիածինը թույլատրել էր Բլրց քաղաքում հայկական եկեղեցի կառուցել և որոշ դիտողություններ արել եկեղեցու նախագծի վերաբերյալ¹²: Սբ. Էջմիածինը ևս դիմում է տեղական համապատասխան հիմնարկներին՝ եկեղեցու նախագիծը հաստատելու համար¹³: Մի ուրիշ արխիվային վավերագրից, ստորագրված թեմի ներկայացուցիչ Լևոնի Կողմից, երևում է, որ եկեղեցու հիմքը դրվել է 1910 թ. օգոստոսի 24-ին¹⁴:

Մոլդավիայի հայկական գաղութի անցյալի հմուտ ուսումնասիրող պատմաբան Հակոբ Սիրունին գրում է, որ եկեղեցին կառուցվել է 1913 թ.¹⁵, որն ըստ երևույթին եկեղեցու շինարարության ավարտման թվականն է: Եկեղեցին կառուցվել է հայ

սերից մեկը: Նրա հորինվածքը բնորոշ է հայկական եկեղեցիներին, և հավանական է, որ հեղինակը ցանկացել է վերարտադրել Սբ. Էջմիածնի Մայր տաճարի կերպարը: Ծեռքն ունի ուղղանկյուն ձև, որի կենտրոնում տեղավորված են չորս երկաթ-բետոնյա կամարներով իրար հետ կապված գմբեթակիր սյուներ (նկ. 2): Ծեռքի արեւելյան ճակատից դուրս է գալիս կիսակլոր խորանը (ապսիդան), որը հաղորդվում է նրան կից ուղղանկյուն ավանդատների հետ: Հյուսիսային և հարավային պատերին կցված են հնգանիստ ուրիշ խորաններ, այնպես, ինչպես տեսնում ենք Սբ. Էջմիածնի և այլ հնագույն հայկական եկեղեցիների հորինվածքների մեջ (Մաստարա, Արթիկ և այլն):

Եկեղեցու արևմտյան մի անկյունը զբաղեցնում է պատշգամբ տանող աստիճանավանդակը, իսկ մյուսը՝ եկեղեցու ծառայողների համար բաց սենյակը: Այստեղ գրանց-

¹² ЦГА МССР, ф. 6, г. 4, к. 1614, л. 6:

¹³ Նույն տեղում, թ. 10:

¹⁴ Նույն տեղում, թ. 19:


¹⁵ H. Dj. Siruni, Armeni în România cu prilejul unui centenar, București, 1940, էջ 27,

¹⁶ ЦГА МССР, ф. 6, г. 4, к. 1614, л. 6:

վում էին ծնունդը, հարսանիքը, վաճառվում էին մոմեր և այլն: Արևմտյան պատին կից է երեքհարկանի զանգակատունը, որի առաջին հարկը ներկայացնում է նախամուտքը: Երկրորդ հարկը կապ ունի եկե-

ալ մանր դեկորատիվ ձևերի օգտագործումը կառույցին տվել է քավականին գեղատեսիլ, պլաստիկ արտաքին տեսք (նկ. 3):

Չնայած մենք չգիտենք, թե ինչպիսին են եղել Սբ. Էջմիածնի Սինդոի դիտողություն-




Նկ. 2. Բլց. Ս. Գրիգոր Լուսավորիչ եկեղեցին. Բառակազիծ

ղեցու պատշգամբի հետ, իսկ զանգակատան երրորդ հարկն ունի ութանկյուն արտաքին ձև: Ծեփի տակ, արևմտյան մասում, գտնվում է դամբարանը, որտեղ, ըստ տեղացի քննակիչների տեղեկությունների, կա ինը գերեզման, պատկանող, իհարկե, եկեղեցու քարերարների ընտանիքներին և հարազատներին: Դամբարանի մուտքը գտնվում է եկեղեցու հյուսիսային կողմում: Եկեղեցու ներքին տարածությունը լուսավորված է ավելի քան 20 պատուհաններով: Բացի զանգակատան կողմից մուտքի առկայությունից, կա ևս մի մուտք եկեղեցու հարավային խորանից: Ծեփի պատերը կառուցված են աղյուսից, ծածկերը աղյուսե թաղեր են: Բացի այդ, շենքի պատերի համար օգտագործված է եղել քարը՝ գլխավոր խորանի, մասամբ հյուսիսային և հարավային խորանների, լուսամուտների ու մուտքերի, որմնապատների և շենքի այլ մասերի համար: Ծիփանյութերի, ինչպես և մի շարք

ները ճարտարապետ Կրասնոսելսկու հատակագծի վերաբերյալ, բայց շենքի ճարտարապետական մանրակրկիտ վերլուծությունը թույլ տվեց մեզ վեր հանել դրանք: Առաջինը այն է, որ գմբեթատար սյուները ունեն անհամեմատ քիչ հաստություն, քան արտաքին պատերը: Սա որոշ չափով կարելի է բացատրել նաև նրանով, որ գմբեթը և թմբուկը փայտից են, այլ ոչ թե քարից, որոնք, իհարկե, կպահանջեին ավելի ամուր բեռնատար կոնստրուկցիաներ: Մի այլ հանգամանք ևս, որն ասում է այն մասին, որ իրոք Սբ. Էջմիածնի դիտողությունների հետևանքով նախագծի մեջ տեղի են ունեցել փոփոխություններ: Ըստ հայկական եկեղեցիների դասական լուծումների, խորանների լայնքը հավասար է լինում գմբեթի քառակուսի հիմքի կողմերի հետ: Տվյալ դեպքում այս սկզբունքը խախտված է: Գմբեթի հիմքի նիստերը զգալի չափով ավելի մեծ են եկեղեցու խորանների չա-

փերից: Այս երկու առանձնահատկությունները թույլ են տալիս եզրակացնելու, որ եկեղեցին նախատեսված է եղել որպես մի ամբողջ թաղով ծածկված շենք, որի կենտրոնական մասում, ծածկի վրա, պետք է

գտնվում է Մուղավիայի կենտրոնական մասում՝ Օրհեյ քաղաքում: Համաձայն 1610 թ. վավերագրի, Օրհեյի մոտ գտնվող Սըմըշքան կալվածքը պատկանելիս է եղել Արմիանքայի (?) թոռներին¹⁸: Մի ուրիշ



Նկ. 8. Բլց. Ս. Գրիգոր Լուսավորիչ եկեղեցին. ընդհանուր տեսք Ռյուսիս-արևելյան կողմից

որ դրված լինե՞ր գմբեթավոր խուլ թմբուկը, այնպես, ինչպես կարելի է տեսնել ավելի վաղ և ուսումնասիրվող եկեղեցու ժամանակաշրջանի հետ կապված բազմաթիվ մուղավական կառույցների մեջ: Հետևաբար ճարտարապետ Կրասնոսելսկին իր գործի մեջ շաղկապեց հայ և մուղավական ճարտարապետա-շինարարական ավանդույթներից մի քանիսը, ստեղծելով ճարտարապետական մի անմոռանալի կերպար, որը օրգանապես լուծվում է ժամանակակից Բլց քաղաքի համակառույցի ներդաշնակությամբ:

•
• •

Մի ուրիշ հայկական կոթող, որը համարյա ժամանակակից է Բլցի կառույցին,

աղբյուրից (1819 թ.) երևում է, որ քաղաքում կային երկու հայեր՝ Նիկողայոսը և Առաքել Աճեմը¹⁹: Պատմաբան Կոնստանդին Թոմեսկուն հաղորդում է, որ 1820 թ. Օրհեյում մի քանի ժամանակավոր բնույթ ունեցող կառույցներ (կենդանիների համար) պատկանում էին հայերին: Նույն հեղինակը նշում է նաև, որ Օրհեյում կային հայ հոգևորականներ և, այսպես կոչված՝ անձնագրերով հայեր²⁰: Համաձայն արխիվային վավերագրերից մեկի, Օրհեյ քաղա-


¹⁸ A. V. Sava, Documente privitoare la târgul și tinutul Orhelului, București, 1944, էջ 44-46:

¹⁹ Նույն տեղում, էջ 478-479:

²⁰ Constantin N. Tomescu, Catagratia Basarabiei la 127 sate și Tinutul Orhelului, Chisinau, 1931, էջ 13-14:

քից ոչ հեռու գտնվող ժելոբոկ գյուղի մոլորակական եկեղեցին կառուցվել է Ֆոկչանյանների հայ ընտանիքի դրամական միջոցներով: Այս ընտանիքի մի քանի անդամներ թաղված են քաղաքի հայկական գերեզմանոցում²¹:

երկու այլ անձնավորություններ²²: Հավանաբար այս եկեղեցու մասին է խոսում հայր Մինաս Բժշկեանցը, երբ հաղորդում է, որ նա կրում է Սր. Աստվածածին անունը²³: Ըստ արխիվային վավերագրերից մեկի, 1851 թ. քաղաքում եղել է փայտյա հայկա-



Նկ. 4. Օրինել. հայկական եկեղեցին. հատակագիծ

Մոտավորապես 100 տարվա ընթացքում, սկսած XIX դ. սկզբներից մինչև XX դ. սկիզբը, Օրինելի հայկական բնակչությունը տարբեր տարիներում եղել է հետևյալը. 1809 թ.՝ 170 մարդ²⁴, 1817 թ.՝ 225²⁵, 1830 թ.՝ 300²⁶, 1851 թ.՝ 130²⁷, 1858 թ.՝ 246²⁸, 1861 թ.՝ 193²⁹, 1862 թ.՝ 194³⁰, 1892 թ.՝ 58³¹, 1897 թ.՝ 70³², 1907 թ.՝ 62³³:

Օրինելի հայկական եկեղեցու վերաբերյալ տեղեկությունները վերաբերում են XIX դ.: Համաձայն Գրիգոր արքեպիսկոպոս Զաքարյանի տեղեկությունների, 1809 թ. քաղաքում գործում էր հայկական եկեղեցի, որին ծառայել են երկու հոգևորականներ և

կան եկեղեցի³⁴, որի մեջ, ինչպես մենք ենթադրում ենք, ծառայել է Մարտիրոս Զաքարյանը³⁵:

Այժմ այս եկեղեցին գոյություն չունի, իսկ Լ. Ս. Բերգի հաղորդումը Օրինելում հայկական եկեղեցու գոյության մասին, հավանաբար վերաբերում է ցարդ գոյություն ունեցող եկեղեցուն³⁶: Գ. Բեզվեկովինն նշում է, որ այս եկեղեցին կառուցվել է 1902—1903 թթ.³⁷, Բեսարաբիայի հայկական թեմի պետ Մարտիրոս Զատիքյանցի ջանքերով: Մեր ուսումնասիրությունները թույլ տվեցին պարզել, որ եկեղեցին կառուցվել է կալվածատեր Բաղդասարյանի դրամական միջոցներով, որի կալվածքները գտնվում էին Օրինել քաղաքից ոչ հեռու Սերբինովկա գյուղի սահմաններում: Հենց այս գյուղում է գտնվում Բաղդասարյանների ընտանիքի բնակելի տունը³⁸:

²¹ Այս մասին հաղորդեց Քիշնևի Պոլիտեխնիկական ինստիտուտի դոցենտ Լ. Մ. Դանիլենկոն:

²² ЦГА МССР, ф. 1, г. 1, қ. 1190, թ. 2:

²³ Basarabia, Ստեֆան Զորանուի խմբագրությամբ, էջ 71—72: 1145, հավանաբար պետք է կարդալ 45, 1145-ի փոխարեն, ինչպես տարված է սույն աշխ. մեջ:

²⁴ Մինաս Բժշկեանց, Գշվ. աշխ., էջ 188:

²⁵ ЦГА МССР, ф. 2, г. 1, қ. 5831, թ. 18:

²⁶ Z. Arbure, Basarabia in sec. XIX, Bucuresti, 1898, էջ 109:

²⁷ ЦГА МССР, ф. 2, г. 1, қ. 7369, թթ. 9, 14, 19, 24:

²⁸ A. Егуюн, Գշվ. աշխ., էջ 91:

²⁹ Z. Arbure, Գշվ. աշխ., էջ 289:

³⁰ G. Murgoci, Գշվ. աշխ., աղ. III:

³¹ C. Filipescu, E. Giurgea, Գշվ. աշխ., էջ 40:

³² ЦГА МССР, ф. 1, г. 1, қ. 1190, թ. 2:

³³ Մինաս Բժշկեանց, Գշվ. աշխ., էջ 188:


³⁴ ЦГА МССР, ф. 2, г. 1, қ. 5831, թ. 18:

³⁵ Новоросенский календарь на 1850, էջ 231:

³⁶ Л. С. Бегр, Գշվ. աշխ., էջ 133:

³⁷ G. Bezveconi, Din treacutul nostru, Armenii in Basarabia, Chisinau, 1934, № 3—4, էջ 9:

³⁸ Այս տեղեկությունը մեզ տվել է Գրիգորիտաղ քաղաքի հայ բնակիչ Արիստիդ Կարպովիչ Ավանսովը, որը մանուկ հասակում երգում էր քաղաքի հայկական երգչախմբում: Այս խումբը հրավիրվեց Օրինել՝ քաղաքի հայկական եկեղեցու օժանդակ արարողությունը մասնակցելու համար:



Նկ. 5. Օրինել. հայկական եկեղեցին. արևմտյան ճակատի ընդհանուր տեսքը

Եկեղեցու շենքը մերկայացնում է մի դահլիճ, որի արևելյան կողմին կից է խորանը (նկ. 4): Նրա երկու կողմերում ավանդատներ են, ալմպես, ինչպես տեսանք

ճախորդ եկեղեցու դեպքում և ինչպես կարելի է տեսնել հայկական բազմաթիվ եկեղեցիների կառույցներում ընդհանրապես: Այս ավանդատները սրահի հյուսիսային և

հարավային ճակատների գծից մի քիչ դուրս են գալիս իրենց համապատասխան ճակատներով: Այս պատճառով է, որ շենքը հատակագծում ունի խաչաձև հորինվածք: Եկեղեցին ունի երկու մուտք՝ առաջինը գլխավորն է և տեղավորված է արևմտյան ճակատի վրա և երկրորդը՝ որն անսովոր է հայկական եկեղեցիների համար, հյուսիսարևելյան պատի մեջ: Ինչպես և Բլրցի եկեղեցին, այս կոթողի դահլիճը նույնպես ստատորեն լուսավորվում է պատուհաններով:

Խորանն ունի կիսագլանաձև թաղ, ինչպես հավանական է նաև թուն աղոթասրահը, որը մեր կարծիքով պետք է որ փայտից լինի, ավանդատները նախատեսված են հարթ փայտյա ստատուղներով: Ծեփի կառուցման համար ճարտարապետի կողմից օգտագործվել են աղյուս և քար, որոնց համատեղ կիրառումը, ըստ նախատեսվածի, թույլ է տվել ստեղծել հետաքրքիր, մոնումենտալ կառույցի կերպար, որն իր ոճով համապատասխանում է դարասկզբի և ավելի վաղ տարիների ոճական սկզբունքներին՝ բնորոշ ոչ միայն Մողղալիայի, այլև Ռուսաստանի և Եվրոպայի շատ երկրների համար: Զգալի հանդիսավորություն է տալիս շենքի արտաքինին նրա համեմատաբար բարձր դիրքը, որին տանում են 21 լայն աստիճաններ (նկ. 5):

Այս հետաքրքիր կառույցի հեղինակը մեզ համար մնաց անհայտ, չնայած որ մեր ուսումնասիրությունները, ընդ որում այս և Քիշինկի հայկական գերեզմանատան եկե-

ղեցիների³⁹ հորինվածքների համեմատական վերլուծությունը հանգեցրեց մեզ այն մտքին, որ Օրհեյի հայկական եկեղեցու հեղինակը եղել է Մողղալիայի և Հարավային Ռուսաստանի հայտնի ճարտարապետ Ալեքսանդր Բեռնադացին: Այս միտքը հաստատվում է նրանով, որ այս երկու եկեղեցիները կառուցվեցին հիշված կալվածատեր Բաղդասարյանների դրամական միջոցներով, ու այդ պատճառով շատ համոզիչ է դառնում այն փաստը, որ Բաղդասարյանները պատվեր տված լինեն հմուտ ճարտարապետին նախագծելու Օրհեյի հայկական եկեղեցին:

Ահա այսքանը Մողղալիայի երկու հայկական եկեղեցիների մասին, որոնք մի կողմից Մողղալիայի հայկական գաղութի զարգացման ծաղկուն ժամանակաշրջանի, իսկ մյուս կողմից՝ հայ և մողղալ ժողովուրդների դարավոր բարեկամության գեղեցիկ վկաներն են:

³⁹ Չնայած որ Քիշինկի եկեղեցին կառուցվել է Բեռնադացու մահից (1907 թ.) հետո, այնուամենայնիվ այս շենքի հեղինակությունը վերագրում ենք նրան, այն պատճառով, որ Մողղալիայի մի քանի եկեղեցական շենքեր (Քիշինկի հունական և Կոտովսկ քաղաքի հայկական եկեղեցիները) կառուցվել են նրա նախագծով, և այս բոլոր հիշված շենքերի մեջ կան շատ ընդհանրություններ: Այս ենթադրությունը կարող է լրիվ հաստատվել, եթե հնարավոր լինի ընթերցել արձանագրությունը, որի մի մասը ծածկված է պատշգամբի կոնստրուկցիաներով, որը գտնվում է գերեզմանատան եկեղեցու մեջ՝ հարավային պատին ամրացած մարմարյա սալի վրա:

